

Յրանկաց միջոցով տեղի կունենար Թուրքիայի հին վաճառաշահութիւնը Պարսկաց հետ՝ գէթ այն մասը, որ կրլար Եւրոպայի՝ մանաւանդ Անգղիայի՝ արտադրութեանց վրայ, և անշուշտ Ալիոններ, Բալիներ, Ստէֆանովիչներ արդէն ըրած էին մեծ գործառնութիւններ Դաւրէթի հետ երբ Գարակէօղեանք, Յակոբեանք, Յընտըքլեանք և այլք է. Պոլիսի հրապարակին վրայ նոր կըսկսէին խլրրախի: Ասոնցմէ առաջ և Բիւզանդիայէն դուրս՝ կերեւի թէ Կարինի, Ջուղայի, Տրապիզոնի, Վանի, Կեսարիայի և ուրիշ կենդրոն քաղաքներու մէջ կային ջոջ Հայեր, որ կըզբաղէին պարսկական վաճառականութեամբ ալ:

Ի սկզբանէ խստամբեր, չարքաշ, սակաւապէտ եւ խորագէտ աշխատողներ՝ Պարսիկները ցոյց տուած են կարեւոր գործունէութիւն Արեւելքի ասիական վաճառականութեա՛ն ալ մէջ, ու իրենց խտրական խիստ ուզին ներած չըլլալով իրենց՝ մինչեւ ցայսօր իսկ՝ ուղղակի յարաբերութիւններ հաստատել Եւրոպայի հետ՝ յոյն, իտալացի, Ֆրանսացի ու ետքն ետքն հայ վաճառականներու միջոցով բերել տուած են իրենց կարեւորներն արեւմտեան երկիրներէն: Լայն ապառիկներու միշտ ձգտում ունեցող այս պարսիկ տարրը՝ վաղուց հաստատուած է. Պոլիսի և Սկիւտարի կենդրոն վաճառանոցները՝ 19րդ դարուն մէջ մանաւանդ սկսած է ըսնել է. Պոլիսի միջոցով մեծ գործառնութիւններ ու փոխանակութիւններ, և Վալիտէ խանի ցից զառիվերն ընծայած է յաճախ ասիական ներդաշնակ պէսալիսութիւն մը՝ է. Պոլիսի արեւելեան հին տարազներուն հետ՝ պարսիկ աշտարակեալ գլխանոցներու և մոմիկ պարզ հանդերձներու լուրջ և ժիր երթեւեկներով:

Պարսկական տուրեւառներու նշանակելի յարաբե-